



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

DLVII. Das St. Annenkloster zu Salzwedel nimmt seinen Wohlthäter Henning Glusing in seine Brüderschaft auf, am 23. November 1503.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

DLVI. Das Franziskanerkloster zu Salzwedel verpflichtet sich dem Priester Henning Glusing und der Metteke Swyckys zu Seelmessen, am 23. November 1503.

Wytlick sy al den gennen, de dersen apen breff seen, horen ofte lezen, dat dorch de inwerkinge defz hylghen gheystes de eerlike prester her hennigh glusinck vnde de eerlike metteke Swyckys hebben ouertrachtet erer zelen salycheit vnde hebben to herten ghetogen de lere des hilgen apostels sunte iocopes, de den is, dat vnser en vor den anderen schal bydden, vppe dat wy salych moghen werden vnde hebben sunderlike ynnicheyt ghekrege to dem hilgen vader sunte francisco vnde thovlucht to vns brodern, wonassich in der olden stad soltwedel, des ordens sancti francisci vnd heft vns anghelanght myt wlittiker bede, dat wy en vnd orer twier slechte mächten mede deylhastich laten werden der guden werck, de de hilge gheyst wracht dor de ynnighen brodere des closters vorberort in vigilien, missen, vasten, beden vnde castigende. Des so hebben se vns gheoffert vnde willychliken ghegeuen hundert rede gulden. Hyr vmme orer beyder guder andacht vnde wyllen to voruullede vnde yn ynnicheyt to bestedende In krafft dusses breues, Ik broder Thomas langhenefze, gardian des erghenanten closters, entfange se tom ersten male vnde orer twier slechte in des ordes broderschopp vnde make deylhastich beyde den leuendigen vnde ock den doden aller guden werck, de de hilge gheyst werkende is dorch de ynnighen veder vnde broder, de dar synt vnder myneme horfame yn deme closter vorbenomet. Vorder tom andern male myt vulbort der erliken veder vnde broder vnde des gantzen conuents erghenompt vorwillen vnd vorplichtigen vns vor vns vnde vnse nakomelinge, alle mante eyne dechnisse ewychliken to holdende, dar yn to bydende vor her hennigh glusinck vnde metteken swyckys vnd alle de vth den slechte vorstoruen synt. Disse vorbenomeden artikel vast vnd vvorbraken to holden vnde to merer tuchnisse hebbe ick thomas, gardian des vorbenomeden closters, myn vulbort vnde willen der eerliken veder vnde broder dat ynghesegel vnser closter nedden an dersen breff ghehanget, De den ghegeuen is na ghades gebort dufent vnde viffhundert iar vnde dre, an deme daghe Clementis martiris.

Nach dem Original des Salz. Archives XXXV, 17.

DLVII. Das St. Annenkloster zu Salzwedel nimmt seinen Wohlthäter Henning Glusing in seine Brüderschaft auf, am 23. November 1503.

Wy Gysel, priorissa, Alheid mollers, subpriorissa des closters sunte Anne, verdensches gestichtes, ordens sunte Augustini, bynnen der oldenstad soltwedel belegen, bekennen —, so dat de werdige vnd andechtige here, her Henrick Glusynk heft angefeen vnd gemutliken to herten getogen den gemeynen vtgank duffer werlde vnde mankent den kynderen der mynschen nicht wysser tho finde, wan de doet, nicht vnwyssers, wen de stunde, ok angemerket nach der vormanynge sunti pauli deme mynschen werden volgende ere werke; vorder heft dulle vorcreuen here angefeen dusses armen closters nige plantinge vnde kleyne besorgynge tilliker gudere notrosicheyt



vnd heft vns gefant vnd gegeben to der ere godes vnd falicheyt fyner felen vnd alle finer leshoueden hundert gude rynfche gulden to vnfes armen vnbesorgeden closters nut vnde behouycheyt, de wy in eynen summen hebben entfangen in vnfeme clostere, vor welke hundert gulden wy louen vnde vns vorpflichten myt alle vnfen nakomeren, de wyle vnse closter steyt, alle mante este ver weken memrien to holdende mit vigilien vnd selemiffen vnde anderen gebeden, na vt-wifinge vnfes ordens, gode deme heren to loue vnde to eren vnde dusseme vorgeanten andechtigen heren finer sele vnde finer elderen vnde alle, den de vte sineme flechte vorstoruen sint vnde vorsteruen vnd alle gelouigen felen to hulpe vnde to troste. Dar entbaue so vorlene wy lutteliken vnd godelwyllen dusseme vorgeanten werdigen heren vnd der erliken frouwen Metteken swykkes dorch funderker gunft vnd andacht, se to vnfeme closter vnde orden dregen, in bewy-finge sulker milden werke vnse broderschop deylsam towefende, beyde in deme leuende vnde in ereme dode, alle der guden werke, de de barmeherticheyt godes dorch vns vnde vnse famelinge vnde vnse nakomelinge sik werdiget to werkede, in fingende, lesende, wakende, vastende, bedende, castiende, in horsam, an eynsamicheyt etc. vnde to eyner wyffer bekanttenisse alle duffer vorforenen dinge, so hebbe wy vnfes closter ingesegel gehalten an dussen jegenwardigen bref, de gegeben vnde gescreuen is an deme daghe des hilgen mertelers sunti Clementis, in den iare des heren dusent vifhundert, dar na an deme drudden.

Nach dem Originale des Salz. Archives XXXVII, 12.

DLVIII. Der Rath zu Hamburg unterrichtet die Stadt Salzwedel von den Klagen, welche in England über die von Salzwedel bezogene Leinwand geführt werden, am 8. Mai 1504.

Vnsenn frundlichen gruth mit vormoge alles gudenn touornn. Erfame Herrn bsundrn gudenn frunde. Vnse koplude Im mergklichnn talle vor vns vorgadert, hebbnn vns clagende tokennende gegeben, wo dat de gemene Copmann In Engeland, dar an se ere lynneward fenden, dat se von den Juwen plegen to kopende, an se degeliken hefft gescreuen, wo dat sollich lynneward vnduchtich isz vnd ok quade mathe leuererennt, darauer se In schaden komen vnd vorwith von den kopluden mothen gedulden, vnd hebbnn en eyn stücke lynneward auergefand, dat wy Juw vortan ton handen schigken, welk gy wol konnen besichtigen. Isz darvmm vnnse begerte, by den Jennen, de sollich lynneward myth Juw warderen; also mit ernste vorsugen, dat de dinghe gebetert werden, beyde In der gude vnd ok de lenghe, vnd darby ok lathen straffinge geschen, vppe dat de kopman des bliue sunder schaden vnd nicht von noden derue syn, darto na notturfft togedenkende, Juw hyran schigklicken holden, vorschulden wy allewege. Gode selichlichnn beuolenn. Screuen vnder vnnser Stad Secret, Am Midweken na dem Sondage Cantate, Anno etc. XV<sup>o</sup>. llll<sup>o</sup>.

Burgermeister vnd Rathmann Der Stad Hamburg.

Denn Erfamenn Herrn Burgermeister vnd Rathmannen der Oldenn vnd Nyen Stad Soltwedell sampt vnd bsundrenn, Vnsenn bsundrn guden frundenn.

Nach dem Originale im Archiv der Stadt Salzwedel, Fach 9, No. 14.